



Møteinkalling

Utval: SGN REGIONRÅD

Møtestad: Kviknes Hotel, Balestrand

Møtedato: 04.09.2009

Tid: 09:00

Eventuelt forfall skal meldast til telefon 57 62 96 00 – Varmedlemmar møter etter nærmere avtale.

Dagsorden

0900 Oppmøte

Godkjenning av innkalling og sakliste

Godkjenning av møteprotokoll frå møte 12.6.2009

Ordførar Einar Målsnes ønskjer velkommen til Balestrand kommune

0915 Handsaming av saker i Sogn regionråd

1200 Lunsj

1300 De Heibergske Samlinger – Sogn Folkemuseum og kommunane ved avdelingsdirektør
Aage Engesæter

1330 Framhald handsaming av saker i Sogn regionråd

Sakliste

Saksnr.	Arkivsaksnr. Tittel
14/09	07/1441-25 Prosjekt Leidang - Kystlei Sognefjord
15/09	08/2674-2 Interkommunalt friluftsråd - forprosjekt
16/09	09/2123-1 Budsjetttramme for 2010
17/09	09/2256-1 Samhandlingsreforma
18/09	09/839-5 Orienteringssaker 4.9.2009

Sogndal, 18.8.2009

Jarle Aarvoll
leiar

Karina Nerland
dagleg leiar

Sogn regionråd

Saksh.: Karina Nerland
 Arkivsak: 07/1441

Arkiv: C00

14/09 Sogn regionråd

04.09.2009

Sak 14/09**Prosjekt Leidang - Kystlei Sognefjord****Tilråding:**

1. Sogn regionråd set i gang hovudprosjektet Leidang –Kystlei Sognefjord frå 2010 med etterhald om at prosjektet vert fullfinansiert. Prosjektperioden varer ut 2014.
2. Sogn regionråd løyver kr 703 000 i tida 2010 -2014 av regionale utviklingsmidlar til å delfinansera drifta av Leidangen, og søker om kr 305 000 i eksterne midlar.
3. Det vil bli tilsett prosjektleiar i deltidsstilling som vert gradvis redusert i prosjektperioden. Sogndal kommune vert arbeidsgjevar.
4. Kvar kommune yter eit tilskot på 50% av byggekostnadane pr båt dvs kr 47 000 inkl. mva. Sogn regionråd søker om 50% ekstern finansiering. Kommunane tek stilling til tal båtar dei vil investera i innan 1.11.2009.
5. Kommunane tek stilling til eigarskapen av båtane innan 1.11.2009.
6. Det vert oppretta eit prosjektstyre som årleg rapporterer om status for prosjektet til Sogn regionråd. Vidare driftsform skal vurderast i løpet av 2014 og må framgå av sluttrapporten frå prosjektstyret til Sogn regionråd.
7. Sogn regionråd vel ein politisk representant til prosjektstyret.

Vedlegg:

Forprosjektrapport Leidang – Kystlei Sognefjord av 29. mai 2009

Saksutgreiing:

Sogn regionråd vedtok å setja i gang forprosjekt Leidang Kystlei Sognefjord i august 2008. Forprosjektet er finansiert av eigne prosjektmidlar og kulturutviklingsmidlar frå fylkeskommunen. Prosjektleiarane Marny Tønnessen og Ralph Kruger presenterte forprosjektrapporten i regionrådsmøtet 12. juni.

Visjonen for prosjektet er å leggja til rette for berekraftig bruk av fjorden slik at kulturarven knytt til fjorden vert vidareført til alle kommunane og fjordarmane i Indre Sogn. Rapporten presenterer korleis det let seg gjera å etablera og drifta ein flåte av tradisjonelle sognebåtar for utleige.

Rapporten viser at det finst fleire aktuelle stader å byggja båtar. Styringsgruppa si tilråding er at sognebåtar vert bygd av ein fagmann som bygger etter tradisjonar frå 1700-talet.

I forprosjektet er det kartlagt fleire aktuelle utleigestader, og mange aktørar som til dømes hotell, campingplassar, grunneigarar og gardbrukarar er interesserte i å leiga ut båtar. Mange ønskjer å kombinera utleige med aktivitetar på land til dømes fjellturar og overnattingsturar.

Styringsgruppa føreslår sentral styring av Leidangen i oppstarten og tilsetjing av prosjektleiar i deltidsstilling som vert gradvis redusert i løpet av 5 år. Drifta bør styrast i fellesskap innan 2015 og kan frå den tid organiserast som t.d. eit samvirkelag. Eigrarar av båtane kan vera kommunane og Indre Sogn Kystlag.

Administrasjonen tilrår at det vert oppretta eit prosjektstyre med slik samansetjing:

- ein medlem frå Sogn regionråd (leiari for prosjektstyret)
- ein medlem frå Sogn folkemuseum – De Heibergske Samlinger
- ein medlem frå Indre Sogn Kystlag

Sogn regionråd bør vera prosjekteigar. Sogndal kommune har sagt seg villig til å vera arbeidsgjevar for prosjektleiar.

Rapporten inneholder finansieringsplan for investering og drift av Leidangen.

Investering: Kvar båt kostar kr 93 000 inkl. mva og utstyr og det er føreslått at kommunane og den sentrale Kystledgruppa dekker kvar sin halvpart. Det må sendast søknad til den sentrale Kystledgruppa kvart år. Kommunane sin investeringsdel kan reduserast dersom kommunane saman eller kvar for seg søker andre aktuelle finansieringskjelder som t.d. skogselskap, skogeigarlag, Innovasjon Norge, Kulturminnefondet, Riksantikvaren, Sparebankstiftinga og private investorar og ressurselskap lokalt i kommunane.

Drift: Inntekter frå Leidangen vil koma frå utleige og kurs/guiding/arrangement. Fram til 2015 vil drifta vera avhengig av ekstern finansiering i tillegg til eigenfinansiering frå regionrådet. Etter den tid vil driftsinntektene finansiera driftsutgiftene. Styringsgruppa føreslår at Sogn regionråd yter tilskot til drifta i prosjektperioden med kr 703 000 med gradvis redusert sum til 2014 slik: kr 175 000 (2010), kr 153 000 (2011), 147 000 (2012), kr 135 000 (2013) og kr 92 000 (2014).

Administrasjonen tilrår at regionale utviklingsmidlar finansierer drifta med totalt kr 703 000 over fem år. Aktuelle eksterne finansieringskjelder for kr 305 000 for dei tre første driftsåra er fylkeskommunen, Innovasjon Norge evt. andre.

På ordførarsamlinga tidlegare i år viste innleiar Knut Henning Grepstad til at fellesskapet om fjorden byggjer identiteten til sogningane, og det må utviklast: "Det må skapast nytt liv på fjorden. Vi må få småbåtane tilbake."

Kystlei Sognefjord kan gje høve for næring, læring og fysisk aktivitet. Fokus for prosjektet er å ta vare på båtbyggetradisjonen som er i ferd med å døy ut. På tvers av kommunegrensene vil Leidangen bidra til at vi tek vare på viktig kulturarv, vil vera eit bidrag til eit meir berekraftig reiseliv, aktivitetstilbodet til lokalbefolkinga vil bli forbetra og fjorden kjem meir i sokjelyset.

Sogn regionråd

Saksh.: Karina Nerland
 Arkivsak: 08/2674

Arkiv: C22 &85

Saksnr.: Utval
 15/09 Sogn regionråd

Møtedato
 04.09.2009

Sak 15/09

Interkommunalt friluftsråd - forprosjekt

Tilråding:

Sogn regionråd set i gang forprosjekt for interkommunalt friluftsråd. Det vert teke atterhald om at forprosjektet vert fullfinansiert.

Sogn regionråd set av kr 50 000 av regionale utviklingsmidlar for 2010 til å delfinansera forprosjektet.

Saksutgreiing:

Bakgrunn

Friluftsliv er definert som ”opphold og fysisk aktivitet i friluft i fritida med sikte på miljøforandring og naturoppleving”. Friluftsliv og naturopplevingar er både velferdsgode for lokalbefolkinga og infrastruktur for opplevingsturisme. Det er store utfordringar knytta til regionen sitt omdøme som oppleavingsregion. Landskapet gror att og både strandsona og fjellheimen er tema for utbyggingsplanar. Dei statlege satsingane innan friluftsliv er omfattande i andre regionar, men har i liten grad kome vårt fylke til gode. Nye aktivitetstrendar og auka fokus på ”helseturisme” krev god friluftsforvaltning. Dei u gjorte oppgåvane krev kompetanse, mandat og ressursar og friluftsrådsmodellen har vist seg eigna til å handtera desse utfordringane.

Det er stort nasjonalt fokus på fysisk aktivitet. Sogn og Fjordane fylkeskommune ønskjer eit friluftsråd i fylket, og har etablering av interkommunalt friluftsråd både som ein strategi i Kulturstrategien for 2008-2011 og som eit tiltak i Fylkesdelplanen for idrett, friluftsliv, fysisk aktivitet og folkehelse 2010-2013.

Fylkeskommunen orienterte om kva friluftsråd er og kvifor etablira det i regionrådsmøtet i fjor haust. Det vart i møtet konkludert med at administrasjonen samarbeider med rådmannsgruppa, herunder ser på alternative organiseringar, og førebur sak til regionrådet til eit seinare møte.

Om friluftsråd

Det er etablert 20 interkommunale friluftsråd i landet, og 178 kommunar er medlemmar.

Kva er eit friluftsråd?

Eit friluftsråd er eit fast samarbeid mellom kommunar og evt. andre offentlege institusjonar og frivillige organisasjonar om nærmare definerte felles friluftsoppgåver. Samarbeidet er formalisert gjennom vedtekter, årsmøte, styre, arbeidsprogram, budsjett, årsmelding og rekneskap.

Kvifor interkommunalt samarbeid om friluftsoppgåver?

- Friluftsliv kjenner ikkje kommunegrenser. Friluftsråda utgjer naturlege opplevingsregionar og gjev høve til å gjennomføra oppgåvene på ein samfunnseffektiv måte
- Regional prioritering: Friluftsliv blir sett på dagsordenen i regionen og får fram eit langsigktig, målretta og systematisk arbeid innan prioriterte område
- Kompetansesentral: Mange kommunar er for små til å ha eigne tilsette til å arbeida med friluftsliv. Interkommunalt samarbeid sikrar at regionen har kompetanse innan friluftsliv.
- Utgiftsfordeling: Kommunar med mange innbyggjarar nyttar friluftsområda i omegnskommunane. Interkommunalt samarbeid sikrar finansiering av nødvendige tiltak i dei områda som vert mest brukte uavhengig av kommunegrenser.
- Koordinera statlege, fylkeskommunale og kommunale midlar

Aktuelle oppgåver

- Sikring av friluftsområde: Høyringsinstans for friluftsverdiene og laga bruksavtaler for stiar, løyper og turvegar
- Tilrettelegging og drift av friluftsområde
- Informasjon: Kart, brosjyrar, internett, turbøker, informasjonstavler m.m.
- Aktivitetstiltak: kurs og opplæring, arrangerer turar og ute-arrangement, uteskule for skuleklassar, friluftsferie for barn og ungdom og friluftstiltak for funksjonshemma, minoritetsgrupper og andre med særskilde behov
- Skaffa statlege og fylkeskommunale midlar til prosjekt og tiltak i regionen.

Alternative organiseringar

1. Interkommunalt selskap (IKS)
2. Interkommunalt samarbeid etter kommunelova § 27
3. Stifting

Nokre få friluftsråd er organiserte som IKS eller stifting, men dei fleste er organiserte som eit samarbeid etter kommunelova § 27. Nokre friluftsråd har inngått samarbeid med organisasjonar som arbeider med friluftsoppgåver.

Finansiering av friluftsråd

Dei fleste friluftsråda har ei tredelt finansiering med tilskot til drift både frå stat, fylkeskommune og kommunane, kvar med ca 1/3 tilskot. Midlane vil gå til å dekka lønsutgifter og eigendel for prosjekt. Medlemskontigenten for kommunane er vanlegvis eit kronebeløp pr innbyggjar kombinert med fast medlemsavgift evt. etter ein fordelingsnøkkel. Beløpet pr innbyggjar varierer frå kr 4,50 til kr 11,55 pr 31.12.2007 (dei to friluftsråda Oslo og omland og Oslofjorden er haldne utanom).

Vidare arbeid

Turlagsleiarane og representantar frå reisemålsselskapa vart inviterte til eit orienteringsmøte i mai om kva eit friluftsråd er og kva mogelegheiter det gir. Innleiarar var ass. fylkesdirektør kultur Svein Arne Hoff og tidlegare styremedlem i Oslofjordens Friluftsråd Rolf Bjarne Sund. Få deltakarar møtte opp. Tilbakemeldinga frå dei som møtte var at det er interesse for eit regionalt friluftsråd, men at dei vil vite meir om kva eit friluftsråd er, og det kom forslag om å gjennomføra eit forprosjekt. Det er mellom anna viktig å avklara:

- Kva friluftsråd ønskjer vi oss?
- Rollefordeling mellom kommunane og organisasjonane
- Friluftsrådet sin rett til å ha eigne meningar i aktuelle saker, evt. ueinige med kommunestyre i medlemskommunar
- Kva kommunale driftsoppgåver skal leggjast til friluftsrådet.

Forprosjekt

I eit forprosjekt vil spørsmåla om m.a. organisering, oppgåver og finansiering bli utgreidd og utdjupa og det bør gjerast ei kartlegging av status og utfordringar for kvar kommune. I tillegg vil eit forprosjekt avklara om det er interesse blant turlaga, reisemålsselskapa og andre organisasjonar i regionen for eit regionalt friluftsråd. Forprosjektet vil gje kommunane eit beslutningsgrunnlag til å avgjera om dei ønskjer eit friluftsråd eller ikkje.

Alternativet er å avventa forprosjektet. Saka er drøfta i rådmannsgruppa, og det vart konkludert med at administrasjonen førebur saka og vurderer å tilrå oppstart eller avventa eit forprosjekt.

Forslag til framdriftsplan

Startdato ca	Beskriving av aktiviteten	Ansvarleg	Sluttdato ca
1.1.2010	Vedta forprosjektplan og mandat	Styringsgruppa	15.2.2010
1.2.2010	Tilsetja prosjektleiar	Sogndal kommune	1.3.2010
1.3.2010	Ide-, kartlegging- og analysefase	Prosjektleiar	1.5.2010
1.5.2010	Sluttrapport til styringsgruppa	Prosjektleiar	1.6.2010

Forslag til økonomi og ressursbruk

Finansieringskjelder	Sum
Sogn og Fjordane fylkeskommune evt. fylkesmannen	100 000
Kommunal eigendel	50 000
Eigeninnsats i kommunane	50 000
Sum	200 000

Utgifter	Sum
Prosjektleiing ca 3 mndverk	125 000
Kontorleige, PC, mobil mv	20 000
Møte- og reiseutgifter	5 000
Eigeninnsats i kommunane	50 000
Sum	200 000

Forslag til organisering

Rådmannsgruppa kan vera styringsgruppe. Det bør også oppretta ei prosjektgruppe og referansegruppe.

Vurdering

I eit forprosjektet vil det koma forslag til mål, finansiering, oppgåver/aktivitetar, organisering, vedtekter og framdriftsplan. Kommunane vil slik få eit beslutningsgrunnlag til å vurdera evt. etablering av eit regionalt friluftsråd.

Administrasjonen rår til at vi søker fylkeskommunen evt. fylkesmannen om kr 100 000 til gjennomføring av eit forprosjekt innan søknadsfristen (januar 2010), og at det vert sett av kr 50 000 av regionale utviklingsmidlar til å finansiera den kommunale eigendelen.

Saksh.: Karina Nerland
 Arkivsak: 09/2123

Arkiv: 145

Saksnr.: Utval
 16/09 Sogn regionråd

Møtedato
 04.09.2009

Sak 16/09

Budsjettramme for 2010

Tilråding:

Sogn regionråd vedtek budsjettramma for 2010 slik den ligg føre i saksframlegget.

Vedlegg:

Framlegg til budsjettramme for 2010

Saksutgreiing:

Av omsyn til budsjettprosessen i kommunane legg administrasjonen fram budsjettramma for Sogn regionråd til dette møtet. Framlegg til budsjett for 2010 vil bli lagt fram for Sogn regionråd i møtet den 4.12.2009.

Totalt budsjett for Sogn regionråd er kr 4 293 000. Det er budsjettet med eksterne inntekter kr 1 987 000, og kontingen og fondsmidler kr 2 306 000.

Generelt

I samsvar med avtalane er lønsutgifter og kontorleige for dei tre stillingane førebels justert med deflator på 4,5%. Deflator vil bli justert i samsvar med føringane i statsbudsjettet til hausten, og vil koma med når regionrådet handsamar budsjettet i desember. Tilsvarande tilpassingar vil bli gjort for avtaler innan GIS, kommunenett mv der prisveksten førebels er sett til 3,6%.

Drift sekretariat, regionråd og rådmannsgruppa

Det er totalt sett av kr 1 003 000 til drift av sekretariatet, regionråd, rådmannsgruppa og IKT-faggruppa. Medlemskontigent for Breibandforum går til Sogn regionråd i staden for kvar kommune.

GIS-koordinator

I budsjettramma for 2010 er lønsutgiftene og kontorleige spesifiserte også for denne stillinga. Vi kjem til å søkja om fornyingsmidlar for vidareføring av GIS-prosjektet, og evt. midlar kan gå til å delfinansiera prosjektleiing/GIS-koordinatorstillinga. I framlegg til budsjettramme er stillinga finansiert med kontigentmidlar.

Sats på skulen – snu Sogn

Lønsutgiftene for prosjektleiar skule var for høgt budsjettet i 2009, og er retta opp i 2010-budsjettet. Skuleprosjektet har ei ramme på kr 1 536 000 (inkl. regionleiar for skule og barnehage). Vi kjem til å søkja fylkesmannen om fornyingsmidlar til prosjektleiing, og til finansiering av tiltak innan kompetanse (studietur), skuleeigarrolla (entreprenørskapsmesse i Aurland) og fagnettverk i 2010. Budsjettramma inneholder forventa inntekt fra RUP-midlar og tilskot frå fylkesmannen.

Regionleiarfunksjonen vil bli finansiert med fondsmidlar kontingen.

Om fagnettverk: Endringar i disponeringane frå staten gjorde at regionrådet ikkje fekk kompetanseutviklingsmidlar frå kommunane på kr 350 000 som vi budsjetterte i 2009. Som nemnt i sak om årsmelding /rekneskap i vår, vidareførde vi ordninga ved å bruka fondsmidlar fagnettverk for skuleåret 2009-2010, i tillegg til at ordninga vart styrka med kr 85 000. Vi vil søkja om midlar for å vidareføra og utvikla fagnettverka for neste skuleår.

Regionale utviklingsprosjekt (RUP)

Sogn regionråd disponerer kr 1 100 000 til regionale utviklingsprosjekt, jf finansieringsplanen. Av desse går kr 250 000 til skuleprosjektet.

Det er sett av kr 240 000 til reiseliv (Visit Sognefjord), kr 50 000 til rekryteringsmesser og kr 200 000 til omstilling Njøs Næringsutvikling. I tillegg er det sett av kr 175 000 til hovudprosjekt Leidang og kr 50 000 til forprosjekt friluftsråd, jf saker til dette møte. Resterande kr 135 000 er frie midlar som kan brukast til andre prosjekt.

I tillegg er det budsjettert med andre tilskot kr 1 437 000.

Drift av fellesløysingar

Sogn regionråd har avtale med fylkeskommunen om fellesløysingane drift av GIS og Kommunenett. I tillegg kjem avtaler kommunane har inngått med Norkart Geoservice. Utgiftene vert ikkje fakturerte saman med kontigenten, men vert fakturerte kommunane i ettertid.

Utmelding frå Årdal kommune

I framlegg til budsjettramma er Årdal kommune ikkje med i fordelinga av samla kontingen for 2010. Budsjettverknadar av utmeldinga utover dette må avklarast i løpet av hausten.

Finansiering

Rekneskapen for Sogn regionråd viser at fondsmidlar kontingen utgjer kr 948 286 pr 31.12.2008 (renteinntekter kr 651 390 og driftsoverskot kr 296 896). Administrasjonen føreslår at kr 350 000 av fondsmidlar kontingen går til å finansiera drifta slik at kontingen for 2010 vert redusert tilsvarende. Dette er lagt inn i framlegg til budsjettramma.

Finansieringsplanen viser fordelinga over regionale utviklingsmidlar, andre tilskot og kontingen.

Vedlegg**Framlegg til budsjettramme for Sogn regionråd for 2010**

Divspes	Namn divspes	Konto	Konto (T)	Budsjett 2009	Budsjett 2010
	Drift sekretariat	10100	Løn faste stillinger	590 000	620 000
		10900	Arbeidsgjeveravgift		
		10990	Pensjonspremie – klp		
		11002	Abonnementer	3 000	2 000
		11003	Faglitteratur	3 000	2 000
		11300	Mobiltelefon, abb. og samtale, personsøker	3 000	3 000
		11301	Databehandling, drift/ vedlikehold		
		11401	Andre annonser	6 000	4 000
		11403	Representasjon og møteutgifter	10 000	10 000
		11500	Kurs og konferanser	20 000	15 000
		11704	Reiseutgifter –tilsette (ikkje oppg.pl)	20 000	15 000
		12002	Datautstyr/ programvare	5 000	5 000
		12900	Husleie, telefon, pc, datatilgang, arkiv mv	136 000	205 000
			Sum drift av sekretariatet	796 000	881 000

7502	Drift regionråd	11151	Servering	50 000	50 000
		11403	Gaver ved representasjon	20 000	20 000
		11704	Reiseutgifter –tilsette (ikkje oppg.pl)	20 000	20 000
			Sum drift av rådet	90 000	90 000

7503	Drift rådmannsgruppa	11151	Servering	20 000	20 000
			Sum drift rådmannsgruppa	20 000	20 000

7511	IKT-faggruppe	11953	Medlemskontigent Breibandforum	9 000	7 000
		14900	IKT-faggruppe	10 000	5 000
			Sum IKT	19 000	12 000

7512	GIS-koordinator	10100	Løn faste stillinger		546 000
		10900	Arbeidsgjeveravgift		
		10990	Pensjonspremie – klp		
		11300	Telefonutgifter	12 000	10 000
		11403	Møteutgifter	5 000	5 000
		11500	Kurs og konferanser	33 000	33 000
		11953	Kontigentar og medlemsskap		
		12002	Data- og kommunikasjonsutstyr	25 000	
		12900	Husleige, tlf, PC, datatilgang, arkiv mv	52 000	59 000
		14500	Overføring til andre kommunar	530 000	
			Sum GIS-koordinator	657 000	653 000

FINANISERINGSPLAN REGIONALE UTVIKLINGSPROSJEKT

	Prosjekt	Budsjett 2010	RUP 2010	Andre tilskot	Kontingent
7550	Frie prosjektmidlar	135 000	67 500		67 500
7551	Reiseliv	240 000	120 000		120 000
7555	Rekrutterings- og profileringssamlingar	50 000	25 000		25 000
7559	Skuleutvikling (ikkje regionleiar)	1 436 000	125 000	1 186 000	125 000
7556	Forskingsstasjon på Njøs	200 000	100 000		100 000
7563	Leidang - hovudprosjekt	326 000	87 500	151 000	87 500
	Friluftsråd - forprosjekt	150 000	25 000	100 000	25 000
Totale prosjektmidlar		2 537 000	550 000	1 437 000	550 000

* Sogn regionråd har målsetjing om minimum 50% ekstern finansiering av utviklingsprosjekt. Finansieringsplanen føreset vidareføring av partnerskap med fylkeskommunen om regional utvikling.

Drift ikkje fakturert saman med kontingent

	2009	2 010	
GIS-løysing	265 000	280 000	Avtale med SFFK
Lisensar GIS	36 000	37 000	Avtale med SFFK
Komtek	145 000	150 000	Avtale med Norkart Geoservice
Kommunenett	1 520 000	1 575 000	Avtale med SFFK
Totalt drift av fellesløysingar	1 966 000	2 042 000	

Førebels ikkje lagt inn prisendring som følgje av Årdal kommune si utmelding (Årdal er ikkje med på KomTek) GIS-løysing: Driftskostnader for 2009 kr 270 400 + førebels lagt inn 3,6% prisstigning. Førebels lagt inn 3,6% prisstigning for KomTek og Kommunenett. Utgifter til KomTek Offic, KomTek E skatt, GISLine og SSL-løysing kjem i tillegg.

TOTALE INNTEKTER				
DIVSPES	Konto	Tekst	2 009	2 010
7501	17500	Kontingent refusjon frå kommunane	2 132 000	1 856 000
7501	19500	Bruk av fond Kontingent	0	350 000
7550	18300	Tilskot SFFK rup	550 000	550 000
7561	18106	Kompetansemidlar skule	350 000	0
7558	18106	Tilskot FMSF	661 000	751 000
7561	18106	Tilskot Skule fagnettverk	0	435 000
7561	19500	Bruk av fond Skule fagnettverk	85 000	0
7561	19500	Bruk av fond Kontingent (til regionleiar skule og bhg)	100 000	100 000
7563	18300	Tilskot Leidang	0	151 000
		Tilskot Friluftsråd	0	100 000
		SUM Inntekter	3 878 000	4 293 000

Finansiering drift Sogn regionråd

Kommune	Folketal 01.01.09	Fast del	Variabel del	Totalt å betale
Aurland	1 687	93 286	50 035	143 320
Balestrand	1 348	93 286	39 980	133 266
Leikanger	2 156	93 286	63 945	157 230
Luster	4 879	93 286	144 706	237 991
Lærdal	2 199	93 286	65 220	158 506
Vik	2 780	93 286	82 452	175 737
Sogndal	6 968	93 286	206 663	299 949
Totalt	22 017	653 000	653 000	1 306 000

Finansiering regionale utviklingsprosjekt

Kommune	Folketal 01.01.09	Fast del	Variabel del	Totalt å betale
Aurland	1 687	39 286	21 071	60 357
Balestrand	1 348	39 286	16 837	56 123
Leikanger	2 156	39 286	26 929	66 215
Luster	4 879	39 286	60 940	100 226
Lærdal	2 199	39 286	27 466	66 752
Vik	2 780	39 286	34 723	74 009
Sogndal	6 968	39 286	87 033	126 318
Totalt	22 017	275 000	275 000	550 000

Samla kontingent Sogn regionråd 2010 *

Kommune	Folketal 01.01.09	Fast del	Variabel del	Totalt å betale	Kontingent 2009
Aurland	1 687	132 571	71 106	203 677	198 840
Balestrand	1 348	132 571	56 817	189 389	186 070
Leikanger	2 156	132 571	90 874	223 445	217 569
Luster	4 879	132 571	205 646	338 218	321 700
Lærdal	2 199	132 571	92 686	225 258	217 182
Vik	2 780	132 571	117 175	249 746	241 947
Sogndal	6 968	132 571	293 696	426 267	400 214
Totalt	22 017	928 000	928 000	1 856 000	

* Samla kontingent omfattar ikkje utgifter til kommunenett, GIS-løysing, GIS-lisensar/program mv

Saksh.: Karina Nerland
Arkivsak: 09/2256

Arkiv: G00

Saksnr.: Utval
17/09 Sogn regionråd

Møtedato
04.09.2009

Sak 17/09

Samhandlingsreforma

Tilråding:

Saka vert lagt fram til drøfting.

Uprenta vedlegg:

Stortingsmelding nr 47 (2008-2009) Rett behandling – på rett sted – til rett tid.

Saksutgreiing:

Regjeringa la fram samhandlingsreforma i Stortingsmelding nr 47 (2008-2009) i juni. Kommunane vil få fleire oppgåver, og reformen er langt på veg ein kommunehelsereform.

Helsegruppa meiner det vil vera nyttig med ein felles konferanse for kommunane om samhandlingsreforma og føreslår at regionrådet inviterer politikarar og fagpersonar til ein dagskonferanse. Føremålet er å få fram innhaldet i reforma og vurdera vegen vidare. Målgruppa bør vera formannskapa, helse- og omsorgsutvala (eller tilsvarande), kommunale fagpersonar, rådmenn og brukarrepresentantar. Konferansen vert lagt til etterkant av valet, den 16. oktober. Tema vil vera moglegheiter og utfordringar reforma vil gje. Aktuelle innleirarar vil vera frå departementet (statssekretær), Helse Førde, KS Sogn og Fjordane og kommunane. Det vert sett av tid til spørsmål / innspel og paneldebatt, og ei oppsummering til slutt av leiar om vegen vidare.

Saka vert lagt fram til drøfting for evt. innspel og kommentalar frå rådet.

Sogn regionråd

Saksh.: Karina Nerland
Arkivsak: 09/839

Arkiv: 065

Saksnr.: Utval**Møtedato**

18/09 Sogn regionråd

04.09.2009

Sak 18/09

Orienteringssaker 4.9.2009**Orienteringar og drøftingar**

1. Ordførarane om aktuelle saker i kommunen
2. Helsegruppa, reiselivsgruppa, RUP-gruppa og samferdslegruppa
3. Rådmannsgruppa
4. Administrasjonen
5. De Heibergske Samlinger - Sogn Folkemuseum og kommunane ved avdelingsdirektør Aage Engesæter (eigen post på programmet).

Skriv og meldingar

1. Skriv frå Leikanger kommune av 3.7.2009 om støtte til Lærdal skeiseanlegg, jf vedlegg

Vedlegg

Lærdal kommune
Pb 83
6886 LÆRDAL

Ole Opheim Røthe

57 65 56 74

09/249/OOR
223/D11/

03.07.2009

Støtte til Lærdal skeiseanlegg

Det vert synt til skriv dat. 18.03.2009.

Leikanger formannskap handsama i møte 19.05.2009 F-sak 31/09 *Støtte til Lærdal skeiseanlegg*.

Leikanger formannskap gjorde slikt vedtak samrøystes i møte 19.05.2009:

1. *Leikanger kommune kan av økonomiske årsaker ikke bidra med tilskot til planlagt skeiseanlegg i Lærdal.*
2. *Leikanger kommune meiner at planlegginga av slike anlegg der det vert søkt om økonomiske bidrag frå andre kommunar i regionen, bør vurderast som ein del av Sogn Regionråd sine utviklingsplanar for regionen.*

Kopi av vedtaket vert sendt Sogn regionråd.

Med helsing

Ole Opheim Røthe
tenesteleiar kultur

Kopi til: Sogn regionråd